

Telur penyu agar bukan belimbing

Sinar Harian 11/9/2018 m/s 36

Penjualan telur penyu agar bukan satu kesalahan di Terengganu

MOHD AZLIM ZAINURY

MARANG



AZMAN

Telur penyu yang dijual di negeri ini khususnya di Pasar Payang bukanlah daripada penyu belimbing sebaliknya penyu agar.

Exco Pertanian, Industri Asas Tani dan Pembangunan Desa Negeri Terengganu, Dr Azman Ibrahim berkata, penjualan telur penyu agar tidak menyalahi undang-undang di negeri ini.

"Telur penyu belimbing

besar berbanding telur penyu agar. Walaupun penjualan telur penyu agar tak menyalahi peraturan, saya sendiri tak pernah beli dan tak pernah rasa telur penyu," katanya.

Beliau yang juga Adun Jabi berkata, kerajaan negeri bukan sahaja menggalas tanggungjawab untuk menyebarkan kesedaran terhadap perlindungan haiwan



Telur penyu dijual di Pasar Payang bukanlah daripada penyu belimbing sebaliknya penyu agar dan penjualannya tidak menyalahi undang-undang.

itu malah giat melaksanakan aktiviti pemuliharaan penyu.

Menurutnya, sejak 2005 hingga 2018, kerajaan negeri telah memperuntukkan

sejumlah RM8.2 juta untuk Tabung Penyu.

Katanya, pengurusan tabung berkenaan berada di bawah tanggungjawab Exco

pertanian dengan Jabatan Perikanan sebagai jabatan yang bertanggungjawab.

"Sebahagian besar dari peruntukan digunakan untuk

info

Sejak 2005 hingga 2018, kerajaan negeri telah memperuntukkan sejumlah RM8.2 juta untuk Tabung Penyu

penjagaan kawasan pendaratan penyu, pengumpulan telur, pembelian telur dari pemajak, penetasan dan pelepasan anak penyu ke laut.

"Pajakan hanya diberi kepada kawasan kadar pendaratan rendah. Kawasan pendaratan tinggi dijaga oleh kakitangan Jabatan Perikanan," katanya.

Beliau menegaskan, ia adalah antara usaha dilakukan kerajaan negeri bagi memastikan penyu dapat terus mendarat di pantai Terengganu.